

BOSNA I HERCEGOVINA
*Agencija za razvoj visokog
obrazovanja i osiguranje
kvaliteta/kvalitete*
Banja Luka
Agency for Development of Higher Education and Quality Assurance



BOSNA I HERCEGOVINA
*Agencija za razvoj visokog
obrazovanja i obezbjeđivanje
kvaliteta*
Banja Luka

P R A V I L N I K

**O POSTUPANJU AGENCIJE ZA RAZVOJ VISOKOG
OBRAZOVANJA I OSIGURANJE KVALITETA
U SLUČAJU POSTOJANJA ANONIMNE PRIJAVE ZA
KORUPCIJU I PRIJAVE OD LICA KOJA NISU ZAPOSLENI U
AGENCIJI**

Banja Luka, april 2014. godine

Na osnovu člana 61. Zakona o upravi („Službeni glasnik Bosne i Hercegovine“, br. 32/02 i 102/09), člana 7. Zakona o Agenciji za prevenciju korupcije i koordinaciju borbe protiv korupcije Bosne i Hercegovine („Službeni glasnik Bosne i Hercegovine“, br. 103/09 i 58/13), člana 51. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), tačke 2. Plana djelovanja protiv korupcije u Agenciji za razvoj visokog obrazovanja i osiguranje kvaliteta Bosne i Hercegovine, broj: 01-60-03/09 od 05.02.2009. godine i zaključka sa pete sjednice Stručnog kolegija Agencije, održane 10. 04. 2014. godine, direktor Agencije, donosi

P R A V I L N I K

O POSTUPANJU AGENCIJE ZA RAZVOJ VISOKOG OBRAZOVANJA I OSIGURANJE KVALITETA U SLUČAJU POSTOJANJA ANONIMNE PRIJAVE ZA KORUPCIJU I PRIJAVE OD LICA KOJA NISU ZAPOSLENA U AGENCIJI

Član 1. **(Predmet Pravilnika)**

Ovim Pravilnikom detaljno se razrađuju odredbe Plana djelovanja protiv korupcije Agencije za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija) koje se tiču postupanja odgovornih lica u slučaju podnošenja anonimne prijave i prijave od lica koje nisu uposlenici Agencije o postojanju koruptivne djelatnosti unutar institucije.

Član 2. **(Komunikacijski kanal za podnošenje anonimne prijave od lica koje nisu uposlenici Agencije)**

(1) Agencija će osigurati posebnu e-mail adresu *korupcija@hea.gov.ba* za podnošenje anonimne prijave i prijave od lica koja nisu uposlenici Agencije (u daljem tekstu: e-mail adresa). E-mail adresa će biti naznačena na web stranici Agencije.

(2) Direktor Agencije će posebnim rješenjem imenovati ovlašteno lice unutar Agencije za provjeru sadržaja e-mail adrese i nadležno postupanje. Takođe će biti imenovano zamjensko ovlašteno lice za postupanje u skladu sa članom 3. stav (2).

Član 3. **(Podnošenje prijave)**

(1) Prijava o postojanju koruptivne djelatnosti unutar Agencije (u daljem tekstu: prijava) može se podnijeti putem komunikacijskog kanala iz člana 2. ovog Pravilnika.

(2) Ovlašteni uposlenik Agencije dužan je provjeravati sadržinu e-maila jednom dnevno. Ukoliko ovlašteni uposlenik nije u mogućnosti postupati po prednjem (iz razloga kao što su: godišnji odmor, bolovanje, plaćeno odsustvo i sl.), zamjensko lice će obavljati njegovu dužnost u navedenom smislu.

Član 4.
(Zaprimanje prijave)

Ukoliko ovlašteni uposlenik prilikom otvaranja e-mail adrese zatekne prijavu dužan je istu isprintati i kovertirati zajedno sa eventualnim priložima uz prijavu i zapečatiti i u što kraćem roku dostaviti direktoru Agencije. Na koverti upisuje datum zaprimanja prijave i svoj potpis.

Član 5.
(Komisija za borbu protiv korupcije)

Komisija za borbu protiv korupcije broji tri člana i to po jednog predstavnika iz svakog Sektora Agencije.

Komisiju na period od dvije godine, imenuje direktor Agencije u saradnji sa zamjenicima direktora.

Član 6.
(Postupanje Direktora Agencije)

Direktor Agencije po zaprimanju zapečaćene kovertu u kojoj se nalazi prijava istu otvara, i vrši procjenu prijave. Ukoliko se iz sadržaja prijave može zaključiti da se radi o koruptivnoj radnji te da postoji dovoljno elemenata za pokretanje postupka, Direktor prosljeđuje prijavu Komisiji za borbu protiv korupcije na daljnje postupanje. Ukoliko se iz sadržaja prijave ne može zaključiti da se radi o koruptivnoj radnji te da ne postoji dovoljno elemenata za pokretanje postupka, Direktor obustavlja dalji postupak i o tome obavještava Komisiju za borbu protiv korupcije.

Član 7.
(Postupanje Komisije)

(1) Članovi Komisije na prvoj sjednici pristupaju otvaranju prijave.

(2) Ukoliko se uvidom u prijavu utvrdi da se ista odnosi na nezakonito postupanje službenika Agencije koji je ujedno i imenovan kao član Komisije isti se izuzima iz rada Komisije i obavještava se direktor Agencije u cilju imenovanja novog člana Komisije.

(3) Članovi Komisije dužni su na savjestan i odgovoran način ispitati sadržinu prijave i ispitati osnovanost iste, odnosno da li su u prijavi predloženi odgovarajući materijalni dokazi, da li postoje svjedoci i da li je naznačeno o kakvom obliku korupcije se radi.

(4) Komisija po ispitivanju prijave sačinjava konačan Izvještaj direktoru Agencije sa preporukom da se prijava prosljedi mjerodavnom organu ukoliko ocijeni da postoji osnovana sumnja da je počinjeno krivično djelo propisano zakonima i podzakonskim aktima Bosne i Hercegovine, odnosno sa preporukom da se donese Odluka o obustavi postupka ukoliko se utvrdi da ne postoje elementi krivičnog djela.

Član 8.
(Donošenje konačne odluke)

(1) Po zaprimanju Izvještaja Komisije direktor Agencije donosi Odluku da se po hitnom postupku obavijeste mjerodavni organi Bosne i Hercegovine ukoliko postoji osnovana sumnja da je u Agenciji došlo do koruptivne aktivnosti koja sadrži elemente krivičnog djela.

(2) Ukoliko ne postoji osnovana sumnja da je počinjena koruptivna aktivnost donosi se Odluka o obustavi postupka.

Član 9.

(Postupanje ukoliko je prijava podnesena putem službene pošte)

Odredbe ovog Pravilnika, u smislu postupanja po prijavi, primjenjuju se i u slučajevima kada je prijava podnesena putem pošte.

Član 10.

(Poseban sandučić za prijave)

(1) Za podnošenje anonimnih prijava za korupciju i prijava od lica koja nisu uposlena u Agenciji u prostorijama Agencije postaviće se poseban sandučić za naznakom „prijava korupcije“.

(2) Sandučić će na kraju radnog vremena otvarati ovašteno lice iz člana 2. ovog Pravilnika i postupaće na način kako je propisano kod zaprimanja prijava putem e-mail adrese *korupcija@hea.gov.ba*.

Član 11.

(Stupanje na snagu i objavljivanje Pravilnika)

Ovaj Pravilnik stupa na snagu danom donošenja i objavljuje se na internet stranici Agencije.

DIREKTOR

doc. dr. Husein Nanić, s.r.

Broj: 06-02-1-310-1/14

Datum: 10.04.2014.godine